



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 36. S. Gregorii Ultrajectensis initia.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæcūl. VIII. hementer instanti tandem objecit, sibi
 A. C. 719. a Summo Pontifice destinatum fuisse
 Prædicandi munus apud nationes Ger-
 mania Orientalis, rogavitque, ut, quod
 promississet, implere liceret. Itaque S.
 Willebrordo consentiente, sibi que suam
 vit. c. 7. Benedictionem impertiente, Owinfridus
 illico itineri se dedit, atque in quemdam
 locum in Hassia vulgo *Amanaburch* seu
 Omenburgum dictum pervenit, ubi duo
 Fratres Arcis Domini, licet nomen Chri-
 stianorum gererent, Idolis serviebant.
 Hos Vir Sanctus cum magna populi
 multitudine convertit, & Monasterium
 in loco sibi a duobus Dominis donato
 extruxit. Inde ad fines Hassia, qua Sa-
 xoniam contingit, divertens multa Infideli-
 um millia convertit & Sacro Baptif-
 mo abluit.

§. XXXVI.

S. Gregorii Ultrajectensis initia.

In hoc itinere Owinfridum comitaba-
 tur Juvenis nomine Gregorius, exin-
 de inter S. Viri Discipulos insignis, natus
 ex nobili Francorum genere, filius Albe-
 rici, cujus mater Adela seu Adula ex Re-
 ge Dagoberto II. genita erat. Owin-
 fridus, cum ex Frisia in Hassiam digre-
 deretur, Palentiam, lingua vulgari *Fals*
 prope Treviros perveniens, ubi Adela
 Monasterium, cui Abbatisa præerat,
 funda-

vit. to. 3. Añ.
 SS. Ben. p.
 321.
 v. tom. 3.
 p. 532.

fundaverat, omnibus Charitatis officiis Sæcul. VIII.
 recreatus est. Postquam Sacris, quod A. C. 719.
 ferme singulis diebus solebat, operatus
 fuerat, cum Abbatissa ejusque familia ad
 capiendum cibum assedit, & ad mensam
 Scripturam Sacram jussus est legere Gre-
 gorius, adolescens quindecim ferme an-
 norum, nuper scholas & ephebos egres-
 sus, adhuc dum laicus. Huic igitur da-
 tus est Evangeliorum liber, & accepta
 benedictione legere incipiens, lectoris
 officium egregie implevit. Tunc ad
 eum Presbyter: *Bene legis, fili mi! si e-
 tiam, qui legis, intelligis.* Respondit
 ille, se id non ignorare, & lectionem
 profecutus est. Presbyter legentem in-
 terpellans ait: *Fili mi! non istud quæ-
 ro, sed volo, ut, quæ legis, in patria tua
 lingua mihi explices.* Juvene fatente,
 quod id non posset, S. Presbyter dixit:
Vis, ut ego explicem? responditque
 puer: *Oro, ut facias!* Tunc Owinfri-
 dus! *Repete, quæ legisti, voce distincta.*
 Indeque captata occasione Abbatissam
 & totam illam familiam Verbum Dei e-
 docuit. Hic dispicimus, Sacras Scriptu-
 ras in lingua latina fuisse lectas.

Gregorium Owinfridi sermones us-
 que adeo commoverunt, ut Abbatissam
 Aviam suam adiret, & profiteretur, se
 velle cum Viro Sancto proficisci, a quo
 S. Scripturarum sensum disceret, & ejus
 Disci-

Sæcul. VIII. Discipulus fieret. Renuit primum Ab-
 A. C. 723. batissa nolens, ut virum sequeretur sibi
 ignotum, cum etiam nescirent, quo itu-
 rus esset. At Gregorius: *Si equum mihi
 non concedis, pedibus sequar.* Tandem-
 que constantissime id flagitanti datis e-
 quis famulisque permisit, ut abiret.

Ceterum difficillima profectio fuit
 præsertim adolescenti paternæ domus
 deliciis assueto, nam in Thuringiam per-
 venientes eam a Saxonibus, vicinis po-
 pulis, & Deorum cultoribus, incensam
 & vastatam habuerunt. Tanta pauper-
 tas premebat incolas ut vix ossibus hæ-
 rerent, quippe annona parcissime & ex
 remotis locis afferebatur. Itaque Mis-
 sionarii labore manuum suarum labora-
 re cogebantur. Sæpe Infidelium immi-
 nentium metus, eos intra urbis mœnia
 cum indigenis se recipere compellebat,
 ubi arctissima erant omnia, & multo
 tempore opus erat, donec colligerentur
 copiæ repellendis hostibus pares.

§. XXXVII.

S. Bonifacius Episcopus.

Cum in hunc modum Owinfridus ali-
 quamdiu pio labori insudasset, uno
 suorum cum Epistola Romam misso, Pon-
 tifici Missionis suæ rationem reddidit, &
 in quibusdam rebus arduis consilium ex-
 petiit. Papa dato responso Owinfri-
 dum